

全上古三代秦漢三國六朝文

全晉文卷一百十六

烏程

高齊

齊永寧中爲中書侍郎

沖太孫殤服議

太孫自是無服之殤不應制服此禮之明義宜從已日易月之制

通典八

杜弢

弢字景文蜀郡成都人初爲別駕永寧中刺史羅尚舉秀才已謀不用致板而歸後爲醴陵令流民共推爲主自稱梁益二州牧平難將軍湘州刺史元帝使王敦陶侃等討降之詔加巴東監軍復叛爲陶侃所破逃遁不知所在

自湘中與監軍柳純書

前諸人不能寬李特一年、又不召徐士權爲汶山太守、而屯故如
此、謂失之豪釐、差已萬里、斯言有佞、然必不召杜漸爲恨者、流民
初西、當承詔書、閉關不入、其次易代趙廞、選宜內遣、平西縣竹之
會、聽王敦之計少、可召寧豪釐之覺、非彼之謂也。華陽國志八又見十六國春秋

遺應詹書

天步艱難、始自吾州、州黨流移在于荆土、其所遇值、蔑之如遺、頓
伏死亡者、略復過半、備嘗荼毒、足下之所鑒也、客主難久、嫌隙易
構、不謂樂鄉起變、出于不意、時與足下、思散疑結、求擒其黨、帥惟
慮算不經遠、力不陷堅耳、及在湘中、懼死求生、遂相結聚、欲守善
自衛、天下小定、然後輸誠、盟府尋山、公鎮夏口、卽具陳之、此公鑒
開塞之會、察窮通之運、納吾于眾疑之中、非高識玄觀、孰能若此、
西州人士、得沐浴于清流、豈惟滌蕩瑕穢、乃骨肉之施、此公薨逝

斯事中廢賢恩痛毒竊心自悼欲遣滕永文張休豫詣大府備列
起事已來本末但恐貪功徇名之徒將讒開于聖主之聽戮吾使
于市朝呂彰叛逆之罪故未敢遣之而甘陶卒至水陸十萬旌旗
曜于山澤舟楫盈于三江威則威矣然吾眾竊未呂爲懼晉文伐
原呂全信爲本故能使諸侯歸之陶侃宣赦書而繼之呂進討豈
所呂崇奉明詔示軌憲于四海逼向義之夫呂爲叛逆之虜跋思
善之眾呂極不赦之責非不戰而屈人之算也驅略烏合欲與必
死者求一戰未見爭衡之機權也吾之赤心貫于神明西州人士
卿粗悉之耳寧當令抱枉于時不證于大府耶昔虞卿不榮大國
之相與魏齊同其安危司馬遷明言于李陵雖刑殘而無慨足下
抗威千里聲播汶衡進宜爲國思靖難之略退與舊交措枉直之
正不亦綽然有餘裕乎望卿騰吾箋令時達盟府遣大司光臨使
吾得披露肝膽沒身何恨哉伏想盟府必結紱于紀綱爲一匡于

聖世使吾廁列義徒負戈前驅迎皇輿于閭闔埽長蛇于荒裔雖
死之日猶生之年也若然先清方夏卻定中原吾得一年之糧使
泝流西歸夷李雄之逋寇脩禹貢之舊獻展微勞已補往愆復州
邦已謝鄰國亦其志也惟所裁處耳吾遠州寒土與足下出處殊
倫誠不足感神交而濟其傾危但顯吾忠誠則汶嶽荷忠順之恕
衡湘無伐叛之虞隆足下宏納之望拯吾徒陷溺之艱焉可金玉
其音哉然顯顯十餘萬口亦勞瘁于警備思放逸于南畝矣衡嶽
江湘列吾左右若往言有貳血誠不亮益梁受殃不惟鄙門而已
晉書杜弼傳弼與王敦等數十戰將
士多物故弼請降帝不許弼遣詹書

李猛

猛朱提大姓爲太中大夫太安初逐太守雍約已叛尋降爲李

毅所殺

與李毅牋

生長遐荒不達禮教徒與李雄和光合勢雖不能營師五丈略地渭濱冀北斷褒斜東據永安退收靈符晉德長久誠非狂夫所能

干輒表革面歸臯有司

華陽國志四

詒毛詵李微書
昔魯侯不道季氏出之天之愛民君師所治知足下迫踵古人見賢思齊足下箕帚枉慙吾郡

華陽國志四太安元年鐵官令毛詵述建寧太守杜俊召叛猛詒之書

孫辨

辨江陽人太安初爲永昌從事

上言應復寧州

南中形勢七郡斗絕晉弱夷強加其土人屈塞應復寧州已相鐘

慰

華陽國志四

脩肅

肅廬陵人永興初爲典書令

勸進懷帝爲皇太弟

二相經營王室志寧社稷儲貳之重宜歸時望親賢之舉非大王而誰清河幼弱未允眾心是日既升東宮復贊藩國今乘輿播越二宮久曠常恐氏羌飲馬于涇川蠆眾挫弦于霸水宜及吉辰時登儲副上翼大駕早寧東京下允黔首喁喁之望

晉書懷帝紀永興元年立爲皇

太弟曰清河王章本太子也懼不敢當典舊令廬陵脩肅云云

諸葛恢

恢字道明琅邪陽都人魏司空誕孫惠帝時試守卽長轉臨沂令避亂江左元帝爲安東將軍曰爲主簿再遷江寧令懷帝時曰討周馥功封博陵亭侯歷鎮東參軍愍帝時元帝承制調爲會稽太守太興中拜中書令出爲丹陽尹免明帝時拜侍中加奉車都尉封建安伯尋拜後將軍會稽內史徵爲侍中遷左民尙書武陵王師吏部尙書累遷尙書右僕射加散騎常侍銀

青光祿大夫領選本州大中正尙書令成帝卽位加侍中金紫
光祿大夫卒贈左光祿大夫儀同三司諡曰敬有集五卷

表

詔云行當別離弓爲悵罔分致灑麈一劍一琉璃碗一貴達心領
錄之天恩罔極天地施鉤不異遠近藝文類聚七十三

詔賜恢白甌二枚御覽七百五十
九引諸葛恢集

天恩賜廣州白盃御覽七百六十
引諸葛恢集

天恩罔極特賜織綈細竹御覽八百十九

戴邈

邈字望之廣陵人驃騎將軍淵弟惠帝時舉秀才遷太子洗馬
出補西陽內史永嘉中元帝版行邵陵內史丞相軍諮祭酒建
武初出爲征南軍司加散騎常侍大興中代劉隗爲丹陽尹永
昌初加左將軍大寧中拜尙書僕射卒贈衛將軍諡曰穆有集

五卷

上表請立學校

臣聞天道之所運莫大于陰陽帝王之至務莫重于禮學是呂古
之建國敎學爲先國有明堂辟雍之制鄉有庠序黌校之儀皆所
呂拙導幽滯啟廣才思蓋呂六四有困蒙之吝君子大養正之功
也昔仲尼列國之大夫耳興禮脩學于洙泗之間四方髦俊斐然
向風受業身通者七十餘人自茲呂來千載寂寞豈天下小于魯
國賢哲乏于曩時厲與不厲故也自頃國遭無妄之禍社稷有綴
旒之危寇羯飲馬于長江凶狡虎步于萬里遂使神州蕭條鞠爲
茂草四海之內人跡不交霸主有旰食之憂黎元懷荼毒之痛戎
首交并于中原何遽邈豆之事哉然三年不爲禮禮必壞三年不
爲樂樂必崩況曠載累紀如此之久邪今末進後生目不覩揖讓
升降之禮耳不聞鐘鼓管絃之音文章散滅胡馬之足圖讖無復

予遺于世此蓋聖達之所深悼有識之所咨嗟也夫治世尙文遭
亂尙武文武遞用長久之道譬之天地昏明之迭自古以來未有
不由之者也今或曰天下未壹非興禮學之時此言似是而非夫
儒道深奧不可倉卒而成古之俊乂必三年而通一經比須寇賊
清夷天下平泰然後脩之則功成事定誰與制禮作樂者哉又貴
游之子未必有斬將擧旗之才亦未必有從軍征戍之役不及盛
年講肄道義使明珠加瑩磨之功荆隨發采琢之美不亦豈可惜
乎臣愚曰世喪道久民情玩于所習純風日去華競日彰猶火之
消膏而莫之覺也今天地造始晉書禮志上作萬物權輿聖朝已
神武之德值革命之運蕩近世之流弊繼千載之絕軌晉書禮志上作創千
英範篤道崇儒創立大業明主唱之于上宰輔督之于下夫人之
所好下必有過之者焉是故雙劍之節崇而飛白之俗成挾琴之
容飾而赴曲之和作君子之德風小人之德草實在所已感之而

已臣目闇淺不能遠識格言奉誦明令慷慨下風

二語從本傳補

謂宜目

三時之隙漸就經始

宋書禮志一建武初散騎常侍戴逵上表又見晉書戴逵傳小有剛節

杜夷

夷字行齊廬江灊人惠帝時三察孝廉州命別駕懷帝時徵拜博士太傅東海王越辟刺史王敦舉方正鎮東將軍周顒引爲參軍皆不就元帝爲丞相敕爲儒林祭酒又除國子祭酒未嘗朝會大寧元年卒年六十六贈大鴻臚諡曰貞子有幽求子二十卷

丁潭爲琅邪王行終喪禮議

古者諒闇三年不言下及周世稅衰致命春秋之時天子諸侯既葬而除此所謂三代損益禮有不同故三年之喪由此而廢然則漢文之詔合于隨時凡有國者皆宜同也非唯施于帝皇而已按禮殤與無後降于成人有後既葬而除今不得目無後之故而獨

不除也。愚冒丁郎中應除衰麻，自宜主祭。呂終三年。音書丁

東海王為新蔡王殤服議

諸侯體國，備物典事，不異成人，宜從成人之制。通典八十二

議王式事

宰我欲短三年之喪，孔子謂之不仁。今王式不忍哀愴之情，率意

違禮，服已絕之服，可謂觀過知仁。伯魚子路親聖人之門，子路有

當除不除之過，伯魚有既除猶哭之失。呂式比之，亦無所媿。勵薄

之義，矯枉過正，苟在于厚，恕之可也。通典九十四大興三年淮南

子後嫁式父式父臨終繼母求出式父許有遺命及式父亡母制

服積年後還前繼子家及亡與前夫合葬式追服周國子祭酒杜

夷議呂
駁荀組所陳表議

荀組雖慮宗胤永絕，魂靈餒而莫祀，亦何可不念父母之恩，或餽

口于四方，或已死而不服，視死猶生也，或未死而服之，視生猶死

也、恐視死猶生、賢于視生猶死也、且又死之與生、非意所度、春秋甲戌己丑、陳侯鮑卒、信則傳信、疑則傳疑、謂此宜疑之、曰避不敏、

通典九十八

墓毀服議

墓既脩復、而後聞問、宜依春秋新宮之災、哭而不服、

通典一百二

遺命

吾少不出身、頃雖見羈錄冠舄之節、未嘗加體、其角巾素衣、斂曰時服、殯葬之事、務從簡儉、亦不須苟取矯異也、

晉書杜夷傳

葛洪

洪字稚川、丹陽句容人、吳方士玄從孫、惠帝時、吳興太守顧祕檄爲將兵都尉、遷伏波將軍、後參廣州刺史、嵇含軍事、含遇害、還鄉、元帝爲丞相、辟爲掾、曰功賜爵關內侯、咸和初、司徒王導召補州主簿、轉司徒掾、遷諮議參軍、選爲散騎常侍、領大著作、

固辭求爲句漏令刺史鄧嶠表爲東官太守又辭不就卒年八十一有喪服變除一卷抱朴子內篇二十一卷外篇五十一卷神仙傳十卷肘後方六卷神仙服食藥方一卷

選觀賦

蜈蚣大者長百步頭如車箱可畏惡越人獵之屠裂取肉白如瓠稱金爭買已多爲美

御覽九百四十六案此不似賦疑是序或本注未能定之抱朴子有選覽篇無此語

西京雜記序

洪家世有鍾子駿漢書一百卷無首尾題目但已甲乙丙丁紀其卷數先人傳之于歆欲撰漢書編錄漢事未得締構而亡故書無宗本止雜記而已矣前後之次無事類之辨後好事者已意次第之始甲終癸爲十秩秩十卷合爲百卷洪家具有其書試已此記攷校班固所作殆是全取劉書有小異同耳并固所不取不過二萬許言今鈔出爲二卷名曰西京雜記已裨漢書之闕耳後洪家

遭火書籍都盡此兩卷在洪巾箱中常已自隨故得猶在劉歆所
記世人稀有縱復有者多不備足見其首尾參錯前後倒亂亦不
知何書罕能全錄恐年代稍久歆所撰遂沒并洪家此書二卷不
知所出故序之云爾洪家復有漢武帝禁中起居注一卷漢武故
事四卷世人稀有之者今并五卷爲一秩庶免淪沒焉西京雜記
影宋本

抱朴子序

洪體乏進趣之才偶好無爲之業假令奮翅則能陵厲玄霄騁足
則能追風躡景猶欲駢勁翮于鷦鷯之羣藏逸跡于跛驢之伍豈
泥大塊稟我已尋常之短羽造化假我已至駑之蹇足自十者審
不能者止又豈敢力蒼蠅而慕沖天之舉策跛鼃而追飛兔之軌
飾嫫母之篤陋求媒陽之美談推沙磧之賤質索千金于和肆哉
夫僬僥之步而企及夸父之蹤近才所已躡礙也要離之羸而强
赴扛鼎之勢秦人所已斷筋也是已望絕于榮華之塗而志安乎

窮圯之域、藜藿有八珍之甘、蓬華有藻梲之樂也。故權貴之家、雖咫尺弗從也。知道之士、雖艱遠必造也。攷覽奇書、既不少矣。率多隱語、難可卒解。自非至精、不能尋究。自非篤勤、不能悉見也。道士弘博洽聞者寡、而意斷妄說者眾。至于時有好事者、欲有所脩爲、倉卒不知所從、而意之所疑、又無足諮。今爲此書、粗舉長生之理、其至妙者、不得宣之于翰墨。蓋粗言較略、已示一隅、冀悱憤之徒、省之可已。思過半矣。豈謂闔塞、必能窮微暢遠乎。聊論其所先覺者耳。世儒徒知服膺周孔、莫信神仙之書、不但大而笑之、又將謗毀眞正。故予所著子言黃白之事、名曰內篇。其餘駁難通釋、名曰外篇。大凡內外一百一十六篇。雖不足藏諸名山、且欲緘之金匱、已示識者。自號抱朴子。因已名書。其餘所著碑誄、詩賦、百卷。移檄章表三十卷。神仙良吏隱逸集異等傳各十卷。又鈔五經史漢百家之言、方技雜事三百一十卷。金匱藥方一百卷。肘後要急方四

卷晉書葛洪傳又今
木抱朴子有此序

關尹子序

洪體存蒿艾之質偶好喬松之壽知道之士雖微賤必親也雖夷狄必貴也後遇鄭君思遠鄭君多玉笈瓊笥之書服餌開我目至道之良藥呼吸洗我目紫清之上味後屬洪目尹眞人文始經九篇洪愛之誦之藏之拜之字者道也柱者建天地也極者尊聖人也符者精神魂魄也鑑者心也匕者食也釜者化也籌者物也藥者雜治也洪每味之泠泠然若躡飛葉而遊乎天地之混冥茫茫乎若履橫校而浮乎大海之沙漠超若處金碧琳瑯之居森若握鬼魅神姦之印倏若飄鸞鶴怒若鬪虎兕清若浴碧慘若夢紅擒縱大道渾淪至理方士不能到先儒未嘗言可仰而不可攀可玩而不可執可鑒而不可思可得而不可言其忘物遺世者之所言乎其絕跡去智者之所言乎其同陰陽而冥彼此者之所言乎何

如此之尊高何如此之廣大又何如此之簡易也洪親受之咸和

二年五月朔丹陽葛洪稚川序

陽尹子道藏本

肘後備急方序

抱朴子丹陽葛稚川曰余既窮覽墳索已著述餘暇兼綜術數省仲景元化劉戴祕要金匱綠秩黃素方近將千卷患其混雜煩重有求難得故周流華夏九州之中收拾奇異摺拾遺逸選而集之使種類殊分緩急易簡凡爲百卷名曰玉函然非有力不能盡寫又見周甘唐阮諸家各作備急既不能窮諸病狀兼多珍貴之藥豈貧家野居所能立辦又使人用鍼自非究習醫方素識明堂流注者則身中榮衛尙不知其所在安能用鍼已治之哉是使鳧鴈驚擊牛羊搏噬無已異也雖有其方猶不免殘害之疾余今採其要約已爲肘後救卒三卷率多易得之藥其不獲已須買之者亦皆賤價草石所在皆有兼之已灸灸但言其分寸不名孔穴凡人

覽之、可了其所用、或不出乎垣籬之內、顧眄可具、苟能信之、庶免橫禍焉、世俗苦于貴遠賤近、是古非今、恐見此方、無黃帝倉公和鵲踰跗之目、不能採用、安可強乎、備急方明刻本 案此與抱朴子內篇雜應略同

養生論

抱朴子曰、一人之身、一國之象也、胷腹之設、猶宮室也、支體之位、猶郊境也、骨節之分、猶百官也、腠理之閒、猶四衢也、神猶君也、血猶臣也、炁猶民也、故至人能治其身、亦如明主能治其國、夫愛其民、所已安其國、愛其炁、所已全其身、民斃國亡、炁衰身謝、是已至人上士、乃施藥于未病之前、不追脩于既敗之後、故知生難保而易散、氣難清而易濁、若能審機權、可已制嗜慾、保全性命、且夫善養生者、先除六害、然後可已延駐于百年、何者是邪、一曰薄名利、二曰禁聲色、三曰廉貨財、四曰損滋味、五曰除佞妄、六曰去沮嫉、六者不除、脩養之道、徒設爾、蓋緣未見其益、雖心希妙道、口念真

經咀嚼英華呼吸景象不能補其短促誠緣捨其本而忘其末深
可誠哉所曰保和全真者乃少思少念少笑少言少喜少怒少樂
少愁少好少惡少事少機夫多思則神散多念則心勞多笑則藏
腑上翻多言則氣海虛脫多喜則膀胱納客風多怒則腠理奔血
多樂則心神邪蕩多愁則頭鬢憔悴多好則志氣傾溢多惡則精
爽奔騰多事則筋脈乾急多機則智慮沈迷斯乃伐人之生甚于
斤斧損人之命猛于豺狼無久坐無久行無久視無久聽不飢勿
強食不渴勿強飲不飢強食則脾勞不渴強飲則胃脹體欲常勞
食欲常少勞勿過極少勿至飢冬朝勿空心夏夜勿飽食早起不
在雞鳴前晚起不在日出後心內澄則真神守其位氣內定則邪
物去其身行欺詐則神悲行爭競則神沮輕侮于人當減算殺害
于物必傷年行一善則魂神樂構一惡則魄神歡原注魄神樂常死魂神好生常
曰寬泰自居恬淡自守則身形安靜災害不干生錄必書其名死

籍必削其咎養生之理盡于此矣至于鍊還丹目補腦化金液已
畱神斯乃上真之妙道蓋非食穀啗血者越分而脩之萬人之中
得者殊少深可誠焉

老君曰存吾此道上士全脩延壽命中士半修無災病下士時修
免天橫愚者失道擯其性其斯之謂與道藏臨五案此篇首百
三十餘字與內篇地真略
同

賜進士出身一品銜廣東等處提刑按察使司按察使兼管驛傳事務黃岡王毓藻校刊

全晉文卷一百十七

烏程嚴可均校輯

葛洪二

抱朴子內篇

案內篇今見存二十卷不錄其佚文

葛仙翁爲丹書符投江中順流而下次投一符逆流而上次又投

一符不上不下停住而水中向二符皆還就之

舊寫本北堂書鈔一百三

魏武帝曰左慈爲妖妄欲殺之使軍人收之慈故欲見而不去欲

拷之而獄中有七慈形狀如一不知何者爲真曰白武帝帝使人

盡殺之須臾六慈盡化爲札而一慈徑出走赴羊羣

舊寫本北堂書鈔一百四

札篇又御覽六百六

魏武收左慈慈走入市吏傳言慈一目眇葛巾單衣于是一市皆

然也

御覽七百四十

城陽郝儉少時行獵墮空冢中飢餓見冢中先有大龜數數迴轉

所向無常張口吞氣或俛或仰儉亦素聞龜能導引乃試隨龜所

爲遂不復飢百餘日頗苦極後人有偶窺冢中見儉而出之後竟

能咽氣斷穀魏王召

御覽作拘又作棄

置土室中閉試之一年不食顏色

悅澤氣力自若

藝文類聚七十七御覽七

吳世有姚光者有火術吳主躬臨試之積荻數千束光坐其上又

曰數千束荻累之因猛風燔之火盡謂光當已化爲烟燼而光恬

然端坐灰中振衣而起把一卷書吳主取而視之不能解也

藝文類聚

八十又八十二御覽

八百七十一又一千

藝文類聚八十二

薺麥大赫仲夏而枯

御覽九百八十

李南乘赤馬行道逢他人乘白馬者白馬先鳴赤馬應之南謂從

者曰彼白馬言汝今當見一黃馬左目盲者是吾子可令使駛行

相及也從者不信須臾行二里果逢所乘黃馬而左目盲南之赤

馬先鳴而盲馬應之間其子

疑作

果向白馬子也

藝文類聚九十九御覽八百九

七

案使者甘崇所奏西域事云外國方士能神祝者臨淵禹步吹氣龍即浮出其初出乃長十數丈于是方士更一吹之一吹則龍輒一縮至長數寸方士乃掇取著壺中壺中或有四五龍曰少水養之曰疏物塞壺口國常患旱災于是方士聞餘國有少雨屢旱處輒賣龍往賣之一龍直金數十斤舉國會斂曰顧之直畢乃發壺出一龍著淵中之中因復禹步吹之一吹一長輒長數十丈須臾而雲雨四集矣藏文類聚九十六御覽十一

若士所食必此草也又海中有蛤蜊螺蚌之類未加煮炙凡人所不能噉况君子與若士乎藏文類聚九十七御覽九百四十二

青雲芝生于名山之陰大青石間青蓋三重上有雲氣覆之味辛

甘曰陰乾食之令人壽千歲不老能乘雲通天見鬼神藏文類聚九十八

紫此目下十九條
疑仙藥篇佚文

黃龍芝生于神山之中狀如黃龍味辛甘呂四時採陰乾治日食
一合壽萬年令人光澤上同

金蘭芝生于名山之陰金石之間上有水蓋莖出赤延作入秋旬求
之飲其中水壽千歲耳目聰明上同

蒼山岑石之中赤雲芝狀如人豎豎如連鼓其色如澤呂夏採之
陰乾食之令人乘雲能上天觀見八極通見神明延壽萬年上同

丹芝生于名山之陰崑崙之山太谷源泉金石之中上同

火芝常呂夏採之葉上赤下莖青赤松子服之常在西王母前隨

風上下往來東西上同

人芝生名山之陰青蓋白莖治乾食日半合則使人壽入水可久
也上同

月精芝秋生山陽石上莖青上赤味辛苦盛呂銅物十月食之壽

萬歲上同

黑芝生于山之陰大谷中白蓋赤莖味甘秋採之陰乾日食令人身輕齒堅與天地無極上同

火芝

案上已有火芝疑有一誤

生于名山陽其色黃澤大如車蓋上同

金芝生于金石之中青蓋莖味甘辛曰秋取陰乾治食令人身有

光壽萬歲

上同

萬年芝令人不老延壽九千

上同

夜光芝出于名山之陰大谷源泉中金石閒上有浮雲翔其上有

五色有目如兩目

上同

白雲芝生于名山之陰白石上有白雲覆之白蓋二重味辛甘小

苦曰秋採之陰乾治食日一合不中風雷令人色光澤也

上同

雲母芝生于名山之陰青蓋赤莖味甘曰季秋竹刀採之陰乾治

食使人身光壽千萬歲醯曰牛脯

上同

葉芝生于名山之陽及出央山大谷源泉水中赤蓋白莖上有兩

葉三寶同上

鬼芝青蓋長莖陰乾屑之日食五合所見神明令人長生同上

有自然之龍有蛇蠋化成之龍初學記三十一白孔六帖九十五御覽九百二十九

田地既有自然之鱣而有苻瑩琴根土龍之屬化為鱣御覽九百三十七又

一千引琴根化為苻瑩即此

龜蛇潛蟄則食氣夏恣口而甚瘦冬穴蟄而大肥初學記三十一秦對俗篇云龍

蛇蛟螭狙獮是皆能竟冬不食不食之時乃肥于食時也語意同而文全異此當是佚文

黃帝醫經有蝦蟆圖言月生始二日蝦蟆始生人亦不可針灸其

處御覽四

麻陽有彭祖仙室請雨必得御覽十一

左元放言金華山可召合神丹免五兵洪水之害御覽四十七

崑崙及蓬萊其上鳥獸飲玉井皆長生不死也御覽七十一

上古無諡始于周家耳黃帝諡蓋後人追為之諡取其法世時行

迹而已非黃帝羣臣之作也俗人通自不信仙寧肯追呂仙謠黃

帝乎

御覽五百六十二

吳景帝時成將于江陵

又作廣陵

掘冢取板治城後發一大家內有重

閤石扉皆樞轉開閉四周微道通事

當作車

且廣高可乘馬又鑄銅

爲人數十枚

又作數十頭

長五尺皆大冠衣執劒列侍靈坐皆刻銅人

背後石壁言殿中將或言侍郎倡王公冢也破其棺棺中有人髻

毛班白鮮明面體如生人棺中有雲母厚尺許白玉壁三十雙曰

藉身

又作尸

兵人舉出死人曰倚冢壁一玉長一尺形似冬瓜從死

人懷中出墮地兩耳及鼻孔中皆有黃金大如聚詐此等有假物

而不朽之效也

御覽五百五十八八百五十三

專心憑師依法行道濟身度世利在永享事師盡敬得道爲期承

間候色也不盡力明師道有罪不可除也學道得明師事之害亂

不得發也

御覽六百五十九

道林子有五種尸解符今太玄陰生符及是一病解者

御覽六百六十四

薛振字季和燕代人周武王時學道于鍾山北河經七試而不過

者由淫佚鄙滯敗其試耳

御覽六百六十六

郭文舉河內軹縣人入陸渾山學道獨能無情意不生也

同上

范零子少好仙道如此積年後遇司馬季主季主同入常山積七

年入石室

當有脫

貧季主出行懇戒之曰慎勿開零子忽發視之季

主還乃遣歸後復召至使守一銅匱又戒勿發零子復發之季主

乃遣之遂不得道

同上

馮良者南陽人少作縣吏年三十爲尉佐史迎督郵自恥無志乃

毀車殺牛裂敝衣尋去從師受詩傳禮易復學道術占候遊十五

年乃還州郡禮辟不就詔特舉賢良高第平道委

此句有誤

還家年

六十七棄世東度入山在鹿迹洞中

同上

安丘望之字仲都京兆長陵人也修尚黃老漢成帝從

疑作重或此下有脫

其道德常宗師之愈自損退成帝詣之若值望之章醮則待事畢
然後往老子章句有安丘之學望之忽病篤弟子公沙都與于庭
樹下望之曉然病有痊時冬月鼻聞李香開目則見雙赤李著枯
枝望之仰手承李自墜掌中因食李所苦盡除身輕目明遂去莫
知何在也上同

家有三皇圖必先齋戒百日乃君至此句疑有脫誤天地五嶽社稷之神

后聖君命清虛小有真人撰集上仙真錄總名為上清一作正本正法

曰憎萬邪百年再授于人須齋戒方得錄覽六百六十七案此錄齊戒方得下復引三元

易經靈寶赤書太素玉錄經云疑非抱朴子文未敢錄之

李阿者行道逢奔車阿兩腳巾車腳即折弟子古強一作古解誤

強祛惑篇見之驚怖阿須臾取斷腳相續如故也錄覽七百三十一案此條疑

亦有其人
是道意
篇佚文

葛仙公每飲酒醉常入門前陂中竟日乃出會從吳主到荊州還

大風仙公船沒吳主謂其已死須與從水上來衣服不溼而有酒

色云昨為伍子胥召設酒不能便歸曰淹留也御覽八百四十五

潘篇異非御微文也神仙傳載船沒事亦與此文異

軫星逐鬼張星拘魂東井還魂也御覽八百八十六

伍被記八公造淮南王安初為老公不見通須臾皆成少年御覽八百

八十

韓子治呂地黃甘草哺五十歲老馬呂生三駒又百三十歲乃死

御覽八百九十七

南方水牛無冬夏常臥水中御覽八百九十九

呂鶴血塗金丹一九內衣中呂指物隨口變化御覽九百二十五

胡麻好者一夕蒸之如炊須臾乾復蒸細篩白蜜和九如雞子大

日二枚一年顏色美身體滑二年白髮黑三年齒落更生四年入

水不濡五年人火不焦六年走及奔馬或蜜水和作餅如糖狀炙

食一餅御覽九百八十九

中經曰鉤吻狼毒太陰之精氣王殺故入口令人死御覽九百九十九

抱朴子外篇案今外篇五十卷見在不錄錄其佚文

備闕

識珍者必拾濁水之明珠賞氣者必採意林穢藪之芳蕙意林初學記二

十七御覽八百三又白孔六帖七引上一句案意林在備闕後知是備闕佚句也

闕篇名

狐白不可曰當暑龍艘不可曰乘陸意林又御覽六百九十四引上一句案自此以下數十

事意林並在刺

軍術篇名見北堂書鈔一百二十藝文類聚九十文選江淹補建平王書注御覽七十四三百四十九又九百十四

大將民之司命社稷存亡于是乎在藝文類聚五十九御覽二百七十三

大將者凜凜乎若負重而履薄冰戰戰若登朽木曰臨萬仞也北堂書鈔一

百十五

夫良將剛則法天可望而不可干柔則象淵可觀而不可入去如

收電可見而不可追住御覽作立又作留如丘山可瞻而不可動意林御覽二又

三三二二七十五

兵家曰計為主目力爲末書鈔一百十五

昔魯連射書目下聊城是分毫之力過百萬之眾也書鈔一百三

韓信傳檄而定千里是目尺素之功勝于雲梯之械也書鈔一百十五

雞有專棲之雄雉有擅澤之鵠蟻有兼弱之智蜂有攻窠御覽一作收窠

之計人相役御亦猶是耳藝文類聚九十七御覽九百四十七

羊羣犬豕轉攻略地而所向無堅敵所摧無堅壘皆望景如狼駭

承響而鹿走柯折葉落本根亦仆嬰城者雲徹帶邑者席卷猛乎

黃帝五行之陣嚴乎孫吳率然之眾也書鈔一百十七又十三引嬰城者二句

武王將興天給之旗書鈔一百二十

春目長矛在前夏目大戟在前秋目弓弩在前冬目刀盾在前此

行軍四時應天法也

意林又御覽三百四十八引秋官弓等一句

軍之所呂欲乘山依谷視生處高也

書鈔一百十三案生字當有誤

淮南王所著兵書皆魁岡之陣風氣之占及軍中之變象微祥觸

物之候知敵盛衰候時而動之術知行止之不測天心之去就使

進則百勝退則安全也

書鈔一百十三引兩條

承陰陽呂并勢協五行之自然從計約呂奮擊常背孤而攻虛則

黃帝呂尙范蠡伍員魏武帝所據同也

書鈔一百十八

太公云從孤擊虛萬人無餘一女子當百丈夫

林意

大將軍當明案九宮視年在宮當就三居五五爲死三爲生能知

三五橫行天下

文選江文通讀建平王上書注

昔太安二年京邑始亂三國舉兵攻長沙王又小民張昌反于荆

州奉劉尼爲漢主乃遣石冰擊定揚州屯于建業宋道衡說冰求

爲丹陽太守到郡發兵呂攻冰召余爲將兵都尉余年二十一見

軍旅

此句有脫字

不得已而就之宋侯不用吾計數敗吾令宋侯從月

建住華蓋下遂收合餘燼從吾計破石冰焉

御覽三百二十八

凡始立軍豎牙春出城西門立牙門西向出時令登明大吉加東

方吉夏出城北門立牙門北向出時令右登明大吉加南方吉秋

出城東門立牙門東向出時令神后登明大吉加西方吉冬出城

南門立牙門南向出時令神后登明大吉加北方吉也

書鈔一百二十一

雷天之鼓也

初學記一御覽十三又自孔六帖二引作雷者天地之鼓

用兵之要雄風爲急扶搖獨鹿之風大起軍中軍中必有反者風

高者道遠風下者道近風鳴葉者賊在十里鳴條者百里搖枝者

四百里大枝五百里什大木千里折大木五千里三日三夕天下

盡風二日二夕天下半風一日一夕萬里風

御覽九又意林引風鳴葉至四百里三句

又書鈔一百五十一引作拔木必千里也

金器自鳴及焦器鳴者軍疲也

意林

凡戰觀雲氣如走驚鹿者敗軍之氣也意林又御覽三百二十八

軍始出舉牙立旗風氣和調旛動飄飄終日不息者其軍有功也

書鈔一百二十藝文類聚六十御覽三百三十九

軍始發大風甚而起于後旌旗前指金鼓清鳴則大勝之徵也若

旌旗亂而相繞逆風雨敗之象也軍始出而旌旗繞竿者急住更

待善時而出軍書鈔一百二十四引四條又一百二十一御覽

軍始出雨霑衣裳者是謂潤兵其軍有功雨不足霑衣裳者是謂

泣軍必敗意林初學記二御覽十

無雲而雨是謂雨泣將軍當揚兵講武以應之大雨軍中尤甚者

將軍戰必無功也御覽十又八百七十七開元占經九十二未句作將軍敗死

白霧四面圍城不出百日大兵必至城下書鈔一百五十一初學記二御覽十五開元占

經一百一

大霧繞軍霧之所住非常而數臣下擅行威也書鈔一百五十一又初學記二作霧

之所在其下有塞將軍之令

軍上氣黑如樓將軍移軍必敗其將勇則氣如火炎勢如張弩雲如日月赤氣繞之所見之地大勝不可攻也御覽十五

太一在玉帳之中不可攻也意林又御覽九百四十二

兵地生蟹者宜速移軍意林又御覽九百四十二

軍中地裂急徙居否則軍敗地震必大戰或有謀反御覽八百八十四開元占經

麋兔入軍中當遷徙之御覽九百七

蚯蚓見軍中尤多者軍罷天宜備反叛御覽九百四十七

軍行卒逢飛蜂及蜚蟲若蜂尤多者必大戰驚于藏伏之賊御覽九百十五

有黑氣如牛馬入其軍者名天狗下食血其軍必敗開元占經八十六

屈虹見城上其下必大戰流血屈虹從城外入城中者三日內城

可屠

開元占經九十八

赤虹見城上其下必大戰流血

同上

白虹見城上其下必大戰流血

同上

有赤光如火從天來下入軍亂將死

開元占經九十九

若濛起圍城或入于城則外兵得入若濛氣從內出主人出戰

開元

占經一百一

有狼狐繞軍而鳴者軍敗

開元占經一百十六

軍無道則狼食人

同上

蟻蛄見軍中尤多有軍罷又宜備叛

開元占經一百二十

地生瓦礫不去有大禍

御覽七

眾鳥羣飛徘徊軍上不過三日有暴兵至鳥聚軍中將軍當賞功

增秩鳥集將軍之旗將軍增官鳥集軍中莫知其名軍敗

藝文類聚九十九

御覽九百十四

己下篇名竝闕

余嘗問嵇君道曰左太冲張茂先可謂通人乎君道荅曰通人者

聖人之次也其間無所復容林意

歐陽生曰張茂先潘正叔潘安仁文遠過二陸或曰張潘與二陸

為比不徒步驟之間也歐陽曰二陸文詞源流不出俗檢御覽五百九十

九

友人騰永叔問曰嵇君道何如人余荅曰一代偉器也摘毫英觀

難與竝驅也書鈔一百

余問班班云呂氏望雲而知高祖所在天豈獨開呂氏之目而掩

眾人之目邪林意

關官無情不得謂貞倡獨不飲不可謂廉林意

文王食子羹佯不知非甘也林意

董仲舒學見溪而天才飽呂嵒蜂是神龍者非但不識神龍亦不

識蜉蝣意林又御覽九百四十六作謂蜉蝣為神龍者非但不識神龍亦不識蜉蝣

王仲任撫班固背曰此兒必為天下知名意林

王充所作論衡此方都未有得之者蔡伯喈嘗到江東見之嘆為

高文度越諸子恆愛玩而獨祕之及還中國諸儒覺其談論更遠

嫌得異書搜求其帳中至隱處果得論衡捉取數卷將去伯喈曰

唯與爾共之勿廣也書鈔九十八藏文類聚五十五御覽六百二十六百七十六百九十九

謝靈卿東南書士句有脫誤說王充曰為一代英偉漢興以來未有充

比若所著文時有小疵猶鄧林之枯枝又若滄海之流芥未易貶

者也書鈔一百御覽五百九十九

五嶺無冬殞之木南海晉安有九熟之稻意林初學記二十七

案老君玉策記云松脂入地千年變為茯苓千年變為琥珀

琥珀千年變為石膽石膽千年變為威靈千歲之狐豫知將來千

歲之狸變為好女千歲之猿變為老人意林引止威靈御覽八百八十八案此俗內篇佚

文扶蒼威喜與仙藥篇相涉而意林列此十外
篇姑從之狐狸等語與對俗篇相涉而文全異

炙鼓使鳴絞絃令急實鼓使速穿絃早絕磨刀殺馬立可驗也
林意

燒泥爲瓦燔木爲炭蜂窠爲蠟水沫爲浮石凡此皆去其柔脆變

爲堅剛
意林初學記五
御覽五十一

落星岡謂吳時星落
林意

汲郡冢中竹書言黃帝既仙去其臣有左徹者削木爲黃帝之像

帥諸侯朝奉之故司空張茂先撰博物志亦云黃帝仙去其臣思

戀岡極或刻木立像而朝之或取其衣冠而葬之或立廟而四時

祀之
意林御覽七十九三百九十六 案內篇
極言與此全異意林列于外篇今從之

食鵠胎令人能夜書
林意

英慈寶天雄鶴腦服之令人能夜書
御覽七百四十七 案此即
上條未可合併或有一誤故

分條

河伯華陰人呂八月上庚日渡河溺死天帝署作河伯
林意

案九鼎記及青靈經言人物之死皆有鬼也馬鬼常時已晦夜出

行狀如炎火

御覽八百八十三

鵝鬼吳景帝有疾召巫覡帝試之乃殺鵝埋于苑中架小屋施牀

帳曰婦人履著其前巫云但見一白鵝不見婦人也帝乃重之

獼猴鬼余友人騰

意林作膠

永叔嘗養一大獼猴曰鐵鎖鎖之著牀間

而犬忽齧殺之永叔使合鎖埋之後百許曰有若鬼者見獼猴走

上承塵上不悟是獼猴鬼也驚指之曰獼猴何曰被傷流血斷走

乎永叔曰始乃知獼猴死復有鬼也

意林御覽七百一十九百十

獼猴之鬼令人病瘧

御覽七百一十三

龜鼈之鬼令人病瘵

御覽七百一十三

余從祖得道能分形座上有一葛公與人談話又一葛公迎來送

去

意林

案內篇地真有此略同抱朴意林二書皆闕缺不全固有誤誤耳今姑錄入外篇

嵇君道曰吾在洛與二陸離施如意兄弟並能觀況身于泥蚌之

中誠清意于未口之口諸談客與二陸言者辭少理暢言約事舉

莫不豁然若春日之泮薄冰秋風之掃枯葉也書鈔九十八

嵇君道問二陸優劣抱朴子曰吾見二陸之文百許卷似未盡也

朱淮南嘗言二陸重規沓矩無多少也一手之中不無利鈍方之

他人若江漢之興潢汙及其精處妙絕漢魏之人也意林書鈔一百御覽六百

二

嵇君道曰每讀二陸之文未嘗不廢書而歎恐其卷盡也陸子十

篇案隋志道家有陸子十卷陸雲撰即此誠為快書其辭之富者雖覃意林作精思不可

損也其理之約者雖鴻筆不可益也觀此二人豈徒儒雅之士文

章之人也意林書鈔一百御覽六百二

陸平原作子書未成吾門生有在陸君軍中常在左右說陸君臨

亡曰窮通時也遭遇命也古人貴立言曰為不朽吾所作子書未

成以此為恨耳余謂仲長統作昌言未竟而亡後繆襲撰次之桓

譚新論未備而終班固爲其成惡道今才士何不贊成陸公子書

御覽六

百二

抱朴子曰秦時不覺無鼻之醜陽翟僧無癭之人陸君深疾文士

放蕩流遁遂往不爲虛誕之言非不能也陸君之文猶玄圃之積

玉無非夜光吾生之不別陸文猶侏儒測海非所長也卻後數百

年若有幹跡如二陸猶比肩也不謂疏矣意林書影一百御覽五百五十九

盧生問曰蔡伯喈張平子才足目著書正恐言遠旨深世人不解

故不著也余雖曰如來言子雲亦不應作太玄經也瓦甌木杯比

門所饒金觴玉餽萬家無也御覽六

孔鄭之門耳聽口受者皆已滅絕唯託竹素者可爲世寶也意林

六百

羈鞍仁義纓鎖禮樂意林

仲尼經成紫微降光書鈔九

十九

汝南郡邵陵王申爲郡五官掾太守盜割官錢密寄申太守暴亡申盡買黃金還太守汝南欲已列于先賢畫像抱朴子曰不宜者也書鈔七

屈原沒汨羅之曰人竝命舟楫目迎之至今已爲口渡或謂之飛

鳧亦

有騰文

日州將士庶悉臨觀之

書鈔一百三十七

太極初構清濁始分故天先成而地後定

初學記御覽三十六

太精之氣乘雲也

書鈔一百五十一

翫榮河者若浮南嶺而涉天漢

書鈔一百五十一

宣夜之書亡而郊蒔記先師相傳宣夜說云天穹無質仰而瞻之

高遠無極蒼蒼然也譬翫望遠道黃山而皆青俯察千仞之谷而

黝黑天青冥色黑非有體也日月星辰浮空中行止皆須氣焉故

七曜或住或游逆順伏見無常進退不同由無所根繫故各異也

辰極常居其所北斗不與限星西沒焉七曜皆東行日行一度

月日行十三度遲疾任性若綴附人體不得兩也書鈔一百四十九御覽二

周髀家云天圓如張蓋地方如棋局天竈轉如推磨而左行日月

右行隨天左轉天牽之西沒譬如蟻行磨石之上磨左旋而蟻右

去磨疾而蟻遲故蟻不得不隨磨日左迴焉白孔六帖八十四御覽七百六十二九

四十

虞洪造穹天論云天形穹隆如笠冒地若謂天北方遠者是北方

星宜細于三方矣御覽五百九十五

渾天儀注云天如雞子地如中黃孤居于天內天大而地小天表

裏有水天地各乘氣而立載水而行周天三百六十五度四分度

之一又中分之則半覆地上半繞地下故二十八宿半見半隱天

轉如車轂之運也諸論天者雖多然精于陰陽者少張平子陸公

紀之徒咸以爲推步七曜之道已度厯象昏明之證候校日四八

之氣攷日晷刻之分占晷影之往來求形驗于事情莫密于渾象

也。張平子既作銅渾天儀于密室中，曰：「漏水轉之，與天皆合。」如符契也。崔子玉爲其碑銘曰：「數術窮天地，制作侔造化，高才偉藝，與神合契。」蓋由于平子渾儀及地動儀之有驗故也。若天果如渾者，則天之出入行于水中，爲必然矣。故黃帝書曰：「天在地外，水在天外，水浮天而載地者也。」又易曰：「時乘六龍。」夫陽爻稱龍，龍者居水之物，曰「喻天」，天陽物也。又出入水中，與龍相侔，故比曰「龍也」。聖人仰觀俯察，審其如此，故晉卦坤下離上，曰：「證日出于地也。」又明夷之卦，離下坤上，曰：「證日入于地也。」又需卦乾下坎上，此亦天入水中之象也。天爲金，金水相生之物也。天出入水中，當有何損而謂爲不可乎？然則天之出入水中，無復疑矣。又今視諸星出于東者，初但去地少許耳，漸而西行，先徑人上後，遂轉西而下焉，不旁旋也。其先在西之星，亦稍下而沒，無北轉者，日之出入亦然。若謂天如磨右轉者，眾星日月宜隨天而迴，初在于東，次經于南，次到于

西次及于北而復還于東不應橫過去也今日出于東冉冉轉上
及其入西亦復漸漸稍下都不繞北邊去了如此王生必因謂
爲不然者疏矣今日徑千里其中足目當小星之數十也若日目
轉遠之故但當光曜不能復來照及人耳宜猶望見其體不應都
失其所在也日光既盛其體又大于星今見極北之小星而不見
日之在北者明其不北行也若日目轉遠之故不復可見其北入
之間應當稍小而日方入之時反乃更大此非轉遠之徵也王生
目火炬喻日吾亦將借子之矛目刺子之腋焉把火之人去人轉
遠其光轉微而日月自出至入不漸小也王生目火炬喻之謬矣又
日之入西方視之稍稍去初尙有半如橫破鏡之狀須與淪沒矣
若如王生之言日轉北去者其北都沒之頃宜先如豎破鏡之狀
不應如橫破鏡也如此言之日入北方不亦孤乎又月之光微
不及日遠矣月盛之時雖有重雲蔽之不見月體而夕猶朗然是

月光猶從雲中而照外也。日若繞西及北者，其光故應如月在雲中之狀，不得夜便大暗也。又日入則星月出焉，明知天日日月分主晝夜相代而照也。若日常出者，不應日始入而星月出也。又案河洛之文，皆云水火者，陰陽之餘氣也。夫言餘氣，則不能生日月可知也。顧當言日精生火者可耳。若水火是日月所生，則亦何得盡如日月之圓乎？今火出于陽燧，陽燧圓而火不圓也。水出于方諸，方諸方而水不方也。又陽燧可取火于日，而無取日于火之理。此則日精之生火明矣。方諸可取水于月，而無取月于水之道。此則月精之生水了矣。王生又云：月不圓，望之圓者，遠故望之圓。若審然者，月初生之時，及既虧之後，視之宜如三寸鏡，稍稍轉大，不當如初破鏡，漸漸滿也。從月不圓，自下隋志約文，而日食或上從初學記御覽改補。或下從側而起，或如鉤至盡，若遠望見圓，不宜見其殘缺左右所起也。此則渾天之體，信而有徵矣。隋書天文志上初學記一御覽四又五十八引兩條又八百六

十九引
雨條

麋氏云潮者據朝來也沙者言夕至也見潮來去或有早晚輒言有參差非也水從天邊來一月之中天再東再西故潮來再大再小也又夏時日居南宿陰消陽盛而天高一萬五千里故夏潮大也冬時日居北宿陰盛陽消而天卑一萬五千里故冬潮小也春日居東宿天高一萬五千里故春潮再起也秋日居西宿天卑一萬五千里故秋潮漸減也

御覽二十三又六十八

天河從西北極分爲兩頭至于南極其一經南斗中過其一經東井中過河者天之水也兩河隨天而轉入地下過而與下水相得又與口水合三水相蕩而天轉排之故激涌而成潮水

御覽八又六十八

月之精生水是日月盛滿而潮濤大

御覽四

濤水者潮取物多者其力盛來遠者其勢大今浙水從東地廣道遠乍入狹彪陵山觸岸從直赴曲其勢不泄故隆崇涌起而爲濤

按御覽
與下為
海字

俗人云濤是伍子胥所作矣也子胥始死耳天地開闢已有濤水

矣御覽六十八

何已知天上不有甘露之淵須太平而灑之地中不有醴泉之源

待有道而涌之邪藝文類聚九十八

夏時龍生于太廟之中御覽九百二十九

夫木行為仁為青鳳頭上青故曰戴仁也金行為義為白鳳頸白

故曰纓義也火行為禮為赤鳳背赤故曰負禮也水行為智為黑

鳳胷黑故曰向智也土行為信為黃鳳足下黃故曰蹈信也夫麟

鳳弓形狀為別聖人弓心神為異古者太平之世鳳皇常居其國

而生乳焉至夏后始食卵而鳳去之此則鳳有種明矣藝文類聚九十八御覽

九百十五引兩條又九百二十八事類賦注十八

崑崙圖曰鸞鳥似鳳而白纓聞樂則蹈節而舞至則國安寧藝文類聚

九十九初學記十五白孔六帖九十四御覽九百十六

白雉自有種南越尤多案地鏡圖今之九德則古之越裳也蓋白

雉之所出周成王所召為瑞者貴其所自來之遠明其德化所被

之廣非謂此為奇也藝文類聚九十御覽九百十七案諸鮑篇與此全異故是佚文

青洽傳云辰星水精生玄武歲星木精生青龍熒惑火精生朱鳥

古今注所謂赤鳥者朱鳥也其所居高遠日中三足鳥之精三足

鳥何召三足陽數奇也召是有虞至孝三足鳥集其庭曾參鋤瓜

三足鳥集其冠孝故也藝文類聚九十二御覽六又九百七十八

麟獸之聖也壽二千歲開元占經一百十九

通天犀角有一白理如縑者召盛米置羣雞中雞輒驚故名曰駭

雞犀得其通天召刻為魚銜召入水當為開方三尺所得氣息上同

富有應劭云或風俗通云等字予祖彬為汲令召夏至日請主簿杜宣飲酒北壁

上有懸赤弩照于杯中形如蛇宣惡之及飲得疾後彬知之使于

宣舊處設酒于杯中猶見有蛇因謂宣曰此弩影耳宣遂意解解

人知藥理病不知學理身口口口口口口口口平焉故曰物生而

蒙事屯而養造昧此語有脫字利有攸適猶金之銷鑪水之從器也是

目聖人實之于文鑄之于學夫文學也者人倫之首大教之本也

御覽六百七 案此疑 御學篇或尚博篇佚文

今頭蝨著身皆稍變而白身蝨著頭皆漸化而黑則玄素果無定

質移易在乎所漸也御覽九百 五十一

賜進士出身一品銜廣東等處提刑按察使司按察使兼管驛傳事務黃岡王毓藻校刊

全晉文卷一百十八

烏程嚴可均校輯

桓彝

彝字茂倫，譙國龍亢人。漢五更樂之九世孫。惠帝時爲州主簿，拜騎都尉。元帝爲安東將軍，版行遠道，令尋辟丞相中兵屬。及卽位，累遷中書郎、尚書吏部郎。明帝時，拜散騎常侍，封萬寧縣男，補宣城内史。成帝初死，蘇峻之亂，追贈廷尉，諡曰簡。咸安中，改贈太常。

上疏乞宣城郡

內外之任，竝非所堪。但曰墳柏在此郡，欲暫結名義。

晉書桓彝傳

桓溫

溫字元子，彝子。成帝時，選尚南康長公主，拜駙馬都尉，襲爵萬寧縣男。除琅邪太守，累遷輔國將軍、徐州刺史。穆帝初代庾翼。

爲安西將軍都督荆司雍益梁寧六州軍事荊州刺史領護南
蠻校尉假節鎮江陵呂平蜀功進征西大將軍開封臨賀郡
公升平中改封南郡公哀帝初加侍中大司馬都督中外諸軍
事假黃鉞又加揚州牧錄尚書事移鎮姑孰廢帝時兼領平北
將軍徐兗二州刺史孝武初卒追贈丞相諡曰宣武有集四十
三卷要集二十卷

請追錄王濬後表

臣聞崇德賞功爲政之所先興滅繼絕百王之所務故德參時雍
則奕世承祀功烈一代則永錫祚胤案故撫軍王濬歷職內外任
兼文武料敵制勝明勇獨斷義存社稷之利不顧專輒之罪荷戈
長鯨席卷萬里僭號之吳面縛象魏令皇澤被于九州玄風洽于
區外襄陽之封廢而莫續恩寵之號墜于近嗣遐邇酸懷臣竊悼
之濬今有二孫年出六十室如懸磬鋤口江濱四節蒸嘗果羹不

給昔漢高定業求樂毅之嗣世祖旌賢建葛亮之廟夫效忠異代
立功異國尙通天下之善使不泯棄沈潛建元勳于當年著嘉慶
千身後靈基託根于南垂皇祚中興于江左舊物克彰神器重耀
豈不由伊人之功力也哉誠宜加恩少垂矜憫追錄舊勲纂錫茅
土則聖朝之恩宣暢于上忠臣之志不墜于地矣晉書王濬傳濬
見商錄安西將軍
桓溫鎮江陵表言

薦譙元彥表

永和三年

臣聞太朴既虧則高尚之標顯道喪時昏則忠貞之義彰故有洗
耳投淵已振玄邈之風亦有秉心矯迹已敦在三之節是故上代
之君莫不崇重斯軌所已篤俗訓民靜一流競伏惟大晉應符御
世運無常通時有屯蹇神州丘墟三方圯裂兔置絕響于中林白
駒無聞于空谷斯有識之所悼心大雅之所歎息者也陛下聖德
嗣興方恢天緒臣昔奉役有事西土鯨鯢既懸思宣大化訪諸故

老搜揚潛逸庶武羅于羿浞之墟想王蠋于亡齊之境竊聞巴西
譙秀植操貞固抱德肥遯揚清渭波于時皇極邁道消之會羣黎
蹈顛沛之艱中華有顧瞻之哀幽谷無遷喬之望凶命屢招姦威
仍逼身寄虎吻危同朝露而能抗節玉立誓不降辱杜門絕迹不
面偽庭進免龔勝亡身之禍退無辟方詭對之譏雖園綺之棲商
洛管寧之默遼海方之于秀殆無呂過于今西土已爲美談夫旌
德禮賢化道之所先崇表殊節聖喆之上務方今六合未康豺豕
當路遺黎偷薄義聲弗聞益宜振起道義之徒曰敦流邈之弊若
秀蒙蒲帛之徵足已鎮靜頽風軌訓羣俗幽遐仰流九服知化矣

蜀志譙周傳注引
晉陽秋又見文選

賀白兔表永和十二年見
宋書符瑞志

臣聞至德通玄則禎祥降靈和所感則異物生今白兔見于春穀

縣皓質純素儼然殊觀載文類聚
九十五

表

高安成是孫權每征還遣上方諸軍餉賜處也權又常大積米穀于此已備須濡者也

平洛表薦謝尙

今中州既平宜時綏定鎮西將軍豫州刺史尙神懷挺率少致人譽足已入贊百揆出藩方司宜進據洛陽撫監黎庶謂可本官都督司州諸軍事

世說賞譽篇注引溫集

表免武陵王晞

晞體自皇極故寵靈光世不能率由王度修己慎行而聚納輕烈苞藏亡命又息綜矜忍虐加于人袁真叛逆事相連染頃日猜懼將成亂階請免晞官已王歸藩免其世子綜官解子璿散騎常侍

晉書武陵王晞傳

上疏自陳

臣近親率所統欲北靖趙魏軍次武昌獲撫軍大將軍會稽王昱書說風塵紛紜妄生疑惑辭旨危急憂及社稷省之惋愕不解所由形影相顧隕越無地臣自聞蔽忝荷重任雖才非其人職在靜亂寇讎不滅國恥未雪幸因開泰之期遇可乘之會匹夫有志猶懷憤慨臣亦何心坐觀其弊故荷戈驅馳不遑寧慮前後表陳于今歷年矣丹誠坦然公私所察有何纖介容此嫌忌豈醜正之徒心懷怵惕操弄虛說以惑朝聽昔樂毅竭誠垂涕流奔霍光盡忠上言告變讒說殄行姦邪亂德乃歷代之常患存亡之所由也今主上富于陽秋陛下目聖淑臨朝恭己委任責成羣下方寄會通于羣才布德信于遐荒況臣世蒙殊恩服事三朝身非羈旅之賓跡無韓彭之釁而反閒起于宵心交亂過于四國此古賢所曰歎息于既往而臣亦大懼于當年也今寇賊冰消大事垂定晉之遺黎鵠立南望赴義之眾慷慨卽路元凶之命懸在漏刻而橫議妄

生成此貝錦使垂滅之賊復獲蘇息所曰痛心絕氣悲慨彌深臣雖所存者公所務者國然外難未弭而內弊交興則臣本心陳力之志也

晉書桓溫傳

上疏廢殷浩

案中軍將軍浩過蒙朝恩叨竊非據寵靈超卓再司京輦不能恭愼所任恪居職次而侵官離局高下在心前司徒臣謨執義履素位居台輔師傅先帝朝之元老年登七十已禮請退雖臨軒固辭不順恩旨適足已明遜讓之風弘優賢之禮而浩虛生狡說疑誤朝聽獄之有司將致大辟自羯胡天亡羣凶殄滅而百姓塗炭企遲拯接浩受專征之重無雪恥之志坐自封植妄生風塵遂使寇讎稽誅姦逆竝起華夏鼎沸黎元殄悴浩懼罪將及不容于朝外聲進討內求苟免出次壽陽頓甲彌年傾天府之資竭五州之力收合無賴已自疆衛爵命無章猜害罔顧故范豐之屬反叛于苻

陂奇德龍會作變于肘腋羌帥姚襄率眾歸化遣其母弟入質京
邑浩不能撫而用之陰圖殺害再遣刺客爲襄所覺襄遂惶懼用
致逆命生長亂階自浩始也復不能已時埽滅縱放小豎鼓行毒
害身狼狽于山桑軍破碎于梁國舟車焚燒輜重覆沒三軍積實
反目資寇精甲利器更爲賊用神怒人怨眾之所棄傾危之憂將
及社稷臣所已忘寢屏營啟處無地夫率正顯義所已致訓明罰
敕法所已齊眾伏願陛下上追唐堯放命之刑下鑒春秋無君之
典若聖上含弘未忍誅殛且宜遐棄擯之荒裔雖未足已塞山海
之責粗可已宣誠于將來矣

晉書殷浩傳

請還都洛陽疏

巴蜀既平逆胡消滅時來之會既至休泰之慶顯著而人事乖違
屢喪王略復使二賊雙起海內崩裂河洛蕭條山陵危逼所已遭
通悲惶痛心于既往者也伏惟陛下稟乾坤自然之姿擬義皇玄

朗之德鳳棲外藩龍飛皇極時務陵替備徹天聽人之情僞盡知
之矣是曰九域宅心幽遐企踵思貯雲羅混網四裔誠宜遠圖廟
算大存經略光復舊京疆理華夏使惠風陽澤洽被八表霜威寒
飆陵振無外豈不允應靈休天人齊契今江河悠闊風馬殊邈故
向義之徒覆亡相尋而建節之士猶繼踵無悔況辰極既迴眾星
斯仰本源既運支派自遷則晉之餘孽欣皇德之攸憑羣凶妖逆
知滅亡之無日騁思順之心鼓雷霆之勢則二豎之命不誅而自
絕矣故員通貴于無滯明哲尚于應機殛如石焉所曰成務若乃
海運既徙而鵬翼不舉永結根于南垂廢神州于龍漠令五尺之
童掩口而歎息夫先王經始立聖宅心畫爲九州制爲九服貴中
區而內諸夏誠曰晷度自中霜露惟均冠冕萬國朝宗四海故也
自彊胡陵暴中華蕩覆狼狽失據權幸楊越蠖屈曰待龍申之會
潛蟠曰俟風雲之期蓋屯圯所鍾非理勝而然也而喪亂緬邈五

十餘載先舊徂沒後來童幼班荆輟音積習成俗遂望絕于本邦
宴安于所託眷言悼之不覺悲歎臣雖庸劣才不周務然攝官承
乏屬當重任願竭筋骨宣力先鋒翦除荆棘驅諸豺狼自永嘉之
亂播流江表者請一切北徙曰實河南資其舊業反其土宇勤農
桑之務盡三時之利導之曰義齊之曰禮使文武兼宣信順交暢
井邑既脩綱維粗舉然後陛下建三辰之章振旂旗之旌冕旒錫
鑾朝服濟江則宇宙之內誰不幸甚夫人情昧安難與圖始非常
之事眾人所疑伏願陛下決立照之明斷常均之外責臣曰興復
之效委臣曰終濟之功此事既就此功既成則陛下盛勳比隆前
代周宣之詠復興當年如其不效臣之罪也褰裳赴澠其甘如薺

晉書
溫傳

上疏陳便宜七事

其一朋黨雷同私議沸騰宜抑杜浮競使莫能植其二今天下分

崩喪亂殄瘁雖道隆中興而戶口彫寡近方漢時不當一郡之民
民戶既少則勢不多而當必同古制百官備職寔非大義隨時之
宜且設官已理務務寡則官省官省已國治則職顯而人清故光
武初興多所併省諸葛亮相蜀簡才併官此皆達治之成規今日
之所先也宜從權制併官省職令久于其事愚謂門下三省祕書
著作通可減半古曰九卿綜事不專尙書故重九棘也今事歸內
臺則九卿爲虛設之位唯太常廷尉職不可闕其諸員外散官及
軍府參佐職無所掌者皆併于尙書若車駕郊廟藉田之屬凡諸
大事于禮宜置者臨事權兼事訖則罷職既併則官少而才精職
理則無害民而治道康矣案其二已下晉書僅載四語云今戶口
千其事今據
御覽補錄其三機務不可停廢常行文案宜爲限日其四宜明
長幼之禮獎忠公之吏其五褒貶賞罰宜允其實其六宜述遵前
典敦明學業其七宜選建史官目成晉書晉書桓溫傳又御覽二
百三引桓溫集略表

辭參朝政疏

方壤除羣凶、埽平禍亂、當竭天下智力與眾共濟之、而朝議咸疑聖詔彌固、事異本圖、豈敢執遂、至于入參朝政、非所敢聞、臣違離宮省、二十餘載、鞿韉戎務、役勤思苦、若得解帶逍遙、鳴玉闕廷、參贊無爲之契、豫聞曲成之化、雖實不敏、豈不是願、但顧目江漢艱難、不同曩日、而益梁新平、邕州始服、懸兵漢川、戍禦彌廣、加疆蠻盤耳、勢處上流、江湖悠遠、當制命侯伯、自非望實重威、無以鎮御遐外、臣知捨此之艱危、敢背之而無怨、願奮臂投身、造事中原者、實恥帝道皇居、久陋于東南、痛神華桑梓、遂埋于戎狄、若憑宗廟之靈、則雲徹席卷、呼吸蕩清、如當假息游魂、則臣據河洛、親臨二寇、廣宣皇靈、襟帶秦趙、遠不五載、大事必定、今臣豈曰親賢贊國、光輔二世、即無煩曰臣疏鈍、竝開機務、且不有行者、誰扞牧圉、表裏相濟、實深寶重、伏願陛下察臣所陳、兼訪內外、乞時還屯撫邕

方隅

晉書程

帝不豫上疏

聖體不和，自經積日，愚心惶恐，無所寄情。夫盛衰常理，過備無害。故漢高枕疾，呂后問相，孝武不豫，霍光啓嗣，鳴曉，自問身後，蓋所存者大也。今皇子幼稚，而朝賢時譽，惟謝安、王坦之才識智能，皆簡在聖鑒，內輔幼君，外禦疆寇，實羣情之大懼。然理盡于此，陛下便宜崇授，使羣下知所寄而安等奉命陳力，公私爲宜。至于臣溫，位兼將相，加陛下垂布衣之顧，但朽邁疾病，懼不支久，無所復堪。託曰後事。晉書程溫傳

檄胡文

胡賊石勒暴肆華夏，齊民塗炭，前困離孽，至使六合殊風，九鼎乖越。每惟國難，不遑啟處，撫劍北顧，慨歎盈懷。寡人不德，文選王選與陳伯之書注引晉中興書作幕府不忝忝荷戎重，師次安陸，經營舊邑，瞻望華夏，暫成楚

越登丘懷覽征夫憤慨昔叔孫絕粒義不同惡羹生守節恥存莽
朝厯紀逋僭一朝蕩定拯撫黎民卽安本土訓之曰德禮潤之曰
玄澤信感荒外武揚八極先順者獲賞後伏者前誅德刑旣明隨
才攸序此之風範想所聞也藝文類聚五十八

與撫軍牋

此胡肆逆四十餘載傾覆社稷毀辱陵廟遇其可亡之會實是君
子竭誠小人盡力之日也江東雖爲未豐方之古人復爲未儉少
康呂一旅之眾興復祖宗光武奮發中興漢室況目大晉之祚樹
德長久兼百越沃野之資據江漢山海之利鹽鐵寶帛之饒角竿
羽毛之用收英賢之略盡兵民之力賊之強也猶復遵養時晦及
其斃也不齊力埽滅則大賊何由而自平大恥焉得而自雪臨紙
惆悵慨歎盈懷藝文類聚五十九

與慕容皝書

自滄流自北、幽朔自東、將軍皆曰：「羈落而總率之矣。」首尾唇齒，左右力用，鳴鏑揚鑼，動數十萬。御覽三百五十八

荅慕容軌書

承將軍奮厲戎武，激揚士卒，鼓角長鳴，摧折姦宄。

十六國春秋二十四

與弟冲書

遺詔使吾依武侯王公故事耳。王謝處大事之際，日憤憤少懷。晉書

桓溫傳

書

大事之日，僕在都，謂無所復見慰勞。又計時事也，逐節郎來已具言意，餘所慰勞，諸相具荅，邊將粗當爾耳。僕無所使，酒席意。潛化閣帖

桓豁

豁字朗子，謗第三子，簡文輔政，目爲撫軍從事中郎，除吏部郎。

臣疾辭遷黃門郎未拜桓溫臣爲都督沔中七郡軍事建威將軍新野義城二郡太守進右將軍尋監荆揚雍州軍事領護南蠻校尉荊州刺史假節又監益州軍事溫卒遷征西將軍進督交廣并前五州軍事太元初遷征西大將軍開府卒贈司空諡曰敬

議征西大將軍開府疏

臣聞三台麗天辰極目之增耀論道作弼王猷臣之時豈必將仰參神契對揚成務弘易簡曰翼化暢立風于宗極故宜明揚仄陋登庸賢雋使版築有沖天之舉涓濱無垂竿之逸用乃功濟蒼生道光千載是臣總非時望成典所不虛授功微賞厚賢達不曰擬心臣實凡人量無遠致階藉門寵遂叨非據進不能開揚皇風贊明其政道退不能宣力所莅混一華戎尸素積載庸績莫紀是臣敢冒成命歸陳丹款伏願陛下迴神立覽追收謬眷則具瞻革望

臣知所免

晉書相
詔傳

桓冲

冲字幼子小字買德即彝第五子除鷹揚將軍鎮蠻護軍西陽
太守遷寧朔將軍義城新野二郡太守鎮襄陽自從破姚襄功
進征虜將軍賜爵豐城公尋遷振威將軍江州刺史領鎮蠻護
軍西陽譙二郡太守進監江荆益三州軍事南中郎將寧康初
拜中軍將軍都督揚江豫三州軍事揚豫二州刺史假節尋解
揚州改授都督徐兗豫青揚五州之六郡軍事車騎將軍徐州
刺史自北中郎將并中軍鎮京口假節加侍中尋解徐州遷鎮
姑孰太元中遷荊州刺史鎮上明卒贈太尉諡曰宣穆

表救涼州

氐賊自并東胡醜類寶繁而蜀漢寡弱西涼無備斯誠暴與疾顛
祇速其亡然而天未勦絕屢爲國患臣聞勝于無形功立事表伐

謀之道兵之上略況此賊陸梁終必越逸北狄陵縱常在秋冬今
日月迅邁高風行起臣輒較量畿甸守衛重複又淮泗通流長江
如海荆楚偏遠密邇寇讎方城漢水無天險之實而過備之重勢
在西門臣雖凡庸識乏武略然猥荷重任思在投袂請率所統徑
進南郡與征西將軍臣豁參同謀猷賊若果驅犬羊送死沔漢庶
仰憑正順因致人利一舉乘風埽清氛穢不復重勞王師有事三
秦則先帝盛業永隆于聖世宣武遺志無恨于在昔如其懾憚皇
威闕闕計屈則觀兵伺釁更議進取振旅旋旆遲速唯宜伏願陛
下覽臣所陳特垂聽許

晉書桓
沖傳

表桓嗣屯夏口

氏賊送死之日舊郢江北壁相望待已不戰江州刺史桓嗣宜進
屯夏口據上下之中于事爲便

南齊
志七

表桓石民爲襄城王營爲江州

夏口江沔衝要密邇強寇兄子石民堪居此任輒版督荊州十郡
軍事振武將軍襄城太守尋陽北接疆蠻西連荆郢亦一任之要
今州府既分請召王薈補江州刺史

晉書桓
冲傳

移鎮上明疏

自中興召來荊州所鎮隨宜迴轉臣亡兄溫召石季龍死經略中
原因江陵路便卽而鎮之事與時遷勢無常定且兵者詭道示之
召弱今宜全重江南輕戍江北南平孱陵縣界地名上明田土膏
良可召資業軍人在吳時樂鄉城召上四十餘里北枕大江西接
三峽若狂狡送死則舊郢召北堅壁不戰接會濟江路不去遠乘
其疲墮撲翦爲易臣司存閭外輒隨宜處分

晉書桓
冲傳

上言召挹忠節

故輕車將軍魏興太守召挹祖朗西臺傾覆隕身守節挹世篤忠
孝乃心本朝臣亡兄溫昔伐咸陽軍次漸水挹攜將二弟單馬來

奔錄其此誠仍加擢授自新野太守轉在魏興久處兵任委目邊
戍疆場歸懷著稱所莅前年狡氏縱逸浮河而下挹孤城獨立眾
無一旅外摧凶銳內固津要虜賊舟船俘馘千計而賊并力攻圍
經歷時月會襄陽失守邊情沮喪加眾寡勢殊目至陷沒挹辭氣
慷慨志在不辱杖刃推戈期之目墮將吏持守用不即斃遂乃杜
口無言絕粒而死挹參軍史穎近于賊中得還齎挹臨終手疏并具
說意狀挹之忠志猶在可錄若蒙天地垂曲宥之恩則榮加枯朽
惠隆泉壤矣

晉書忠義
吉挹傳

奏納孝武王皇后

宣康三年

臣聞天地之道蓋相須而化成帝后之德必相協而政隆然後品
物流形彝倫攸敘靈根長固本枝百世天人同致莫不由此是目
塗山作儷而夏族昌姁配周而姬祚昌今長秋將建宜時
簡擇伏聞試守晉陵太守王蘊女天性柔順四業允備且盛德之

胃美善先積臣等參議可曰配德乾元恭承宗廟德音六宮母儀
天下

晉書孝武定
王皇后傳

賜進士出身品銜廣東等處提刑按察使司按察使兼管驛傳事務黃岡王毓藻校刊

全晉文卷一百十八終

全晉文卷一百十八

桓沖

十三